




Gallwch lawrlwytho'r lluniau yn rhad ac am ddim o www.freebibleimages.org ar ffurf PowerPoint, Keynote, JPEG neu PDF. Mae'r Cynllun Stori yma yn dangos be sy'n digwydd ym mhob rhan o'r hanes. Darllenwch yr hanes yn y Beibl ac wedyn penderfynwch sut dych chi am gyflwyno'r stori. Mae yna le i chi sgwennu nodiadau. Gallwch ddileu unrhyw luniau/sleidiau nad ydych chi am eu defnyddio, ac ychwanegu lluniau eich hun fel bydd angen.

Disgrifiad	Llun	Nodiadau
Exodus 1: 8-22, 2:1-10		
1 Daeth brenin newydd i deyrnasu yn yr Aifft, un oedd yn gwybod dim byd am Joseff nac am hanes yr Israeliaid.		
2 Pan welodd faint o Israeliaid oedd yn yr Aifft dwedodd wrth ei bobl, "Mae yna ormod o Israeliaid yn y wlad yma!"		
3 Dwedodd wrth yr Eifftiaid, "Os bydd y niferoedd yn dal i dyfu, a rhyfel yn torri allan, byddan nhw'n helpu'n gelynon i ymladd yn ein herbyn ni. Gallen nhw hyd yn oed ddianc o'r wlad."		

-
- 4 Felly dyma'r Eifftiaid yn cam-drin pobl Israel, a'u gorfodi i weithio am ddim iddyn nhw, ac yn gosod meistri gwaith i gadw trefn arnyn nhw.



-
- 5 Gorfodwyd yr Israeliaid i weithio a dyma nhw'n adeiladu Pithom a Rameses yn ganolfannau storfeydd i'r Pharo.



-
- 6 Ond er bod yr Eifftiaid yn eu gweithio nhw mor galed, roedd niferoedd yr Israeliaid yn dal i gynyddu.



-
- 7 Felly dechreuodd yr Eifftiaid eu hofni a'u casáu nhw go iawn, a'u cam-drin nhw fwy fyth.



-
- 8 Shifra a Pwa oedd enwau bydwragedd yr Hebreaid.



-
- 9 Felly dyma frenin yr Aifft yn siarad â Shiffra a Pwa, a dweud wrthyn nhw, "Pan fyddwch chi'n gofalu am wragedd Hebreig wrth iddyn nhw eni plant, os mai bachgen fydd yn cael ei eni, dw i eisiau i chi ei ladd e'n syth; ond cewch adael i'r merched fyw."



-
- 10 Ond am fod y bydwragedd yn parchu Duw, wnaethon nhw ddim beth roedd brenin yr Aifft wedi ei orchymyn iddyn nhw. Dyma nhw'n cadw'r bechgyn yn fyw.



-
- 11 Dyma'r Pharo yn galw nhw eto, a gofyn "Beth dych chi'n wneud? Pam dych chi'n gadael i'r bechgyn fyw?" A dyma'r bydwragedd yn ateb, "Mae'r plant yn cael eu geni cyn i ni gyrraedd yno!"



-
- 12 Yna dyma'r Pharo yn rhoi gorchymyn i'w bobl: "Mae pob bachgen sy'n cael ei eni i'r Hebreaid i gael ei daflu i'r Afon Nil, ond cewch adael i'r merched fyw."



-
- 13 Roedd dyn o deulu Lefi wedi priodi gwraig ifanc oedd hefyd yn un o ddisgynyddion Lefi. A dyma nhw'n cael mab. Pan welon nhw'r babi bach hyfryd, dyma nhw'n ei guddio am dri mis.



-
- 14 Ond, ar ôl hynny roedd hi'n amhosib ei guddio.



-
- 15 Felly dyma ei fam yn cymryd basged frwyn, a'i selio gyda tar.



-
- 16 Yna, dyma hi'n rhoi'r babi yn y fasedg, a'i osod yng nghanol y brwyn wrth lan yr afon Nil.



-
- 17 A dyma Miriam, chwaer y plentyn yn mynd i sefyll heb fod yn rhy bell, i weld beth fyddai'n digwydd iddo.



-
- 18 Daeth merch y Pharo i lawr at yr afon i ymdrochi. A dyma hi'n sylwi ar y fasedg yng nghanol y brwyn, ac anfon caethferch i'w nôl.




-
- 19 Agorodd y fasedd, a gweld y babi bach — bachgen, ac roedd yn crïo. Roedd hi'n teimlo trueni drosto. "Un o blant yr Hebreaid ydy hwn," meddai.



-
- 20 Yna dyma Miriam yn mynd at ferch y Pharo, a gofyn, "Ga i fynd i nôl un o'r gwragedd Hebreig i fagu'r plentyn i chi?" A dyma ferch y Pharo yn dweud, "Ie, gwna hynny!"



-
- 21 Felly dyma hi'n mynd adre i nôl mam y babi. A dyma ferch y Pharo yn dweud wrthi, "Dw i eisïau i ti gymryd y plentyn yma, a'i fagu ar y fron i mi. Gwna i dalu cyflog i ti am wneud hynny."



-
- 22 Felly aeth y wraig a'r plentyn adre i'w fagu. Yna, pan oedd y plentyn yn ddigon hen, dyma hi'n mynd ag e at ferch y Pharo, a dyma hithau'n ei fabwysïadu yn fab iddi ei hun.



-
- 23 Rhoddodd yr enw Moses iddo — "Am fy mod wedi ei dynnu allan o'r dŵr," meddai.



24 Cyfieithwyd gan
www.beibl.net
Mae yna glip ffilm
Cymraeg i gyd-fynd â'r
stori yma ar wefan
beibl.net



These illustrations are the copyright of Sweet Publishing and licensed
by FreeBibleImages for free download under the terms of the
Creative Commons Attribution-ShareAlike 3.0 unported licence.

www.freebibleimages.org
